

Inatsisartut suleriaasianni § 37, imm. 1 naapertorlugu, matumuuna Naalakkersuisunut imaattunik apeqquteqarpunga:

Naalakkersuisunut apeqqutit:

- 1. Namminersorneq pillugu Inatsit allanngortinneqarsinnaanera pillugu Naalakkersuisut Siulittaasuata aammalu Qallunaat ministeriunerata oqaloqatigiissimanerat qanoq imaqarsimava?**
- 2. Naalakkersuisut taamatut allanngortineqarsinnaanera pillugu ataatsimoorlutik saaffiginnissutigaat?**
- 3. Namminersorneq pillugu Inatsit, inuiaat Kalaallit taasinerikkut pigilersimasaat, nunanut allanut Naalakkersuisunut nalilersortinneqarnera Naalakkersuisut siulittaasuata Naalakkersuisooqatigiillu pissusissamisortutut isigaat?**
- 4. Sooruna Naalakkersuisuutitaqartut partiivinit tapersersorneqanngitsoq isumaqatiginninniutissaanngitsumik oqalullutik? Naalakkersuisooqatigiit tunuliaqutai isumaqataanngitsut peqataatinngit isumaqatiginninniuuteqartoqarami?**
- 5. Naalakkersuisooqataasut ilaat oqalupput, Naalakkersuisut Siulittaasuata Inatsisartuniit innuttaasuniillu pisinnaatitsissuteqarnarni oqariartuuteqartoq. Naalakkersuisooqatigiit ataatsimoorussaannngitsumik tunuliaqutai peqataannginnerat sumik peqquteqarpa?**

(Inatsisartunut ilaasortaq Jens NapātôK', Naleraq)

Tunngavilersuutit:

Naalakkersuisut nutaat sulileraangata nalinginnaasuvoq Naalakkersuisuulersussat suliariniakkaminnut piareersarluaqqaarlutik allannguinnissaanut periarfisseeqqaartarneq.

Maannakkut Naalakkersuisut tukattumik aallartinnerat aammalu innuttaasut qiviaqqinnguarnagit qallunaat nunaannut samminiarpallaarnerat eqqarsaariarnaannarani innuttaasut quiassuallugit sulilernerat akuerineqarsinnaanngilluinnarpoq.

Naalakkersuisut siulittaasuut Naalakkersuisooqataasuniit tupinnangitsumik uparuartorneqalereerput pisinnaatissumik peqaratik innuttaasullu taasissutigisimasaat Namminersorneq pillugu Inatsit¹ aatsaat innuttaasut taaseqqinneratigut allangortinneqarsinnaasoq ataqqinngilluinnarlugu qanoq allanngortinneqarsinnaanersoq pillugu Naalakkersuisut Siulittaasuata aamma danskit ministeriunerata oqaloqatigiissuteqarsimallutik saqqummiisimanerat tupnnarluinnarpoq akuerineqarsinnaangilluinnarlunilu, tamannalu tupinngitsumik Siumumiit isummakulunnartillugu oqariartorput².

Kikkunuku ataatsimuunngitsut? Siumuklut ataatsimuunngillat imaluunnit Naalakkersuisooqatigiit tunuliaqutatik peqataatinnagit kisermaassilersimappat imaluunnit Naalakkersuisut siulittaasuut kisermaassilluni isumaqatiginninniarpa?

Inatsit Kalaallit pigisaat nunanut allanut Kalaallit apereqqaarnagit isumaqatigiinniutaalernera Naleqqamiit akuerisinnaangilluinnarparput, partiit ilisimateqqaarnagit innuttaasut taasisimanerat suusupagalugu pissusilersorneq kisermaassiniarpalaarnermik Naalakkersuinikkut ingerlatsilernermik pissusilersorfusoq toqqissimananngilaq pissaanerup agguagaanera aallaavigalugu pissanerup pingasoqiusamut aggulugaanera ataqqinngilluinnarlugu pissusilersorneq tupinnarpoq annilaarnarpoq aammalu akuerineqarsinnaangilluinnarluni.

Inatsit inuiaat Kalaallit piat amerlanerussuteqartut taasinerimikkut aaliangersimasaat Naalakkersuisut siulittaasuata kisermaassilluni Qallunaat Naalakkersuisuinut tunuliaqutaqarani isumaqatiginniutigiinnarsinnaanngilaa piginnaatitsissummik peqannguarani taamatut pissusilersorneq Inatsisartuniit innuuttaasullu taasinerimikkut aaliangerrsimasaat kisermaassissutigisinnaanngilaa.

Apeqqutigineqartut ullut suliffiusut qulit (10) iluanni allakkatigut akineqareersimanissaat piumasarineqarpoq. Nutserinermi paatsuungasoqassatillugu kalaallisut allassimasoq aallaavigineqassaaq.

¹ <https://kl.sermitsiaq.ag/inuiaqatigiit/kalaallit-nunaat-danmarkilu-bussimi-imminnut-qaninnerullutik-issiaqatigiipput/2226547>

² <https://knr.gl/kl/nutaarsiassat/jess-svanep-jens-frederik-nielsen-isornartorsioraa-danmarkimut-oqaloqatiginninneq>